

INFORMASIE-TEGNOLOGIE

INFORMATION TECHNOLOGY

WINDOWS OPDATERINGS: VIR JOU EIE VEILIGHEID

Weens die toenemende kubermisdaadrisiko en in 'n poging om die sekuriteit van ons kampustoeestelle en netwerk te versterk, sal Informatietegnologie gereeld toestelle op die netwerk skandeer om moontlike swakplekke te identifiseer. Hierdie proses sal na-ure plaasvind en geen impak hê op werk gedurende die dag nie.

Indien 'n toestel identifiseer word as 'n potensiële risiko, sal 'n versoek aangeteken word op ServiceNow, Informatietegnologie se foutrapporteringstelsel. Een van ons IT-vertegenwoordigers sal daarna die eienaar kontak om vas te stel of die toestel op datum is met die nuutste Windows en antivirus opdaterings, sowel as sagteware.

Moenie skrik as 'n IT-vertegenwoordiger jou skakel en vra om jou US-werktoestel op te dateer nie. Hierdie proses is tot jou voordeel en sal nie net ons netwerk beskerm nie, maar ook jou toestel en jou data.

Ons sal dit ook waardeer as jy ons kan help om ons netwerk te beskerm deur gereeld Windows-opdaterings te installeer en jou toestel af en aan sit sodat die nuwe opdatering toegepas kan word.

Terselfdertyd probeer ons ook rekenaars wat Windows 10 v1511 gebruik, opgradeer na die nuutste weergawe van Windows 10 v1709. Om uit te vind watter weergawe van Windows 10 op jou rekenaar is, druk die Windows logo sleutel + R, tik **winver** en kies OK.

Indien jy jou rekenaar wil opgradeer, meld asb. 'n versoek aan deur 'n e-pos te stuur aan die IT Dienstaanbank by help@sun.ac.za.

Posted in: Algemeen, Sekuriteit | Tagged: Windows 10, Windows Updates | With 0 comments